



Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs

Tractatus de Beatitudine, de Actibus humanis, eorumque Moralitate, de
Virtutibus ac Donis, de Vitiis ac Peccatis, & de Legibus, nec-non
Dissertationem Theologicam de Probabilitate

Gonet, Jean-Baptiste

Coloniæ Agrippinæ, 1671

Art. II. An ille qui mortaliter peccat, ultimum finem in creatura consistuat?

[urn:nbn:de:hbz:466:1-78232](https://nbn-resolving.de/urn:nbn:de:hbz:466:1-78232)

DE PECCATO MORTALI ET VENIALI.

477

Amus: Ergo ratio peccati, mortali & veniali in-
æ qualiter convenit.

Addo quod malitia aversiva à fine, & malitia
quæ solùm ponit inordinationem in mediis, val-
dè inæquales sunt; sicut ipse finis, & ea quæ
sunt ad finem, valde sunt in aequalitate: Sed mali-
tia peccati mortalis deordinat & avertit ab ul-
timo fine; malitia autem venialis solùm ponit
inordinationem in mediis, ut ex supra dicitur pa-
ter: Ergo, &c.

41. Dices: In omnibus quæ analogicè dicuntur
ratio nominis nulli competit nisi per attributionem
ad unum, quod per prius & simpliciter di-
citur tale: Sed peccatum veniale non dicitur
peccatum per attributionem ad mortale; quia
non est aliquod peccatum mortale, nihilom-
inus posset dari veniale: Ergo ratio peccati
non convenit illis analogicè.

42. Respondeo ex Cajetano hic art. 2. concessa
Majori, negando Minorem: Nam sicut omnis
morbus dicitur infirmitas in ordine ad privationem
vitæ, quæ est infirmitas mortalis, & simpli-
citer; ita omne peccatum dicitur peccatum in
ordine ad peccatum quod privat fine, qui est
principium vitæ moralis. Unde ad probationem
in contrarium dicendum cum eodem Cardina-
li, quod hæc peccatum veniale possit esse in hoc
vel illo fine mortali, simpliciter tamen non po-
test esse absque mortali; sicut neque infirmitas
eurabilis absque incurabili, qualis est mortalitas.
Addit peccatum mortale esse contra legem Dei
simpliciter; peccatum autem veniale solùm es-
se contra illam secundum quid, ut antea decla-
ravimus: esse autem contra legem Dei secun-
dum quid, non potest intelligi, non præintel-
lito esse contra legem Dei absolute & simpliciter,
sicut neque album secundum quid, sine albo
simpliciter.

43. Inferes tertio, peccatum veniale disponere
quidem ad mortale, nunquam tamen ita posse
aggravari, ut transeat in mortale; neque ex
multis venialibus posse fieri unquam unum
mortale. Ita D. Thomas hic art. 3. & 5.

Probatur breviter hoc corollarium, quan-
tum ad singulas partes. Et in primis quod pec-
catum veniale disponit ad mortale, patet: quia
homo negligendo venialis, paulatim & sensim
assuefecit contemptui & transgressioni legis, quod
sit ut tandem in majora peccata incidat, juxta
illud, *Qui spemnit modica, paulatim deedit.* Unde
eleganter Cassianus collat. 6. cap. 17. mentis in-
curiam comparavit tecto domus nglesto. *Nam*
per hanc (inquit) primò quidem veluti minutissima
quædam penetrant animam stillicidiam passionum,
que sivelut parva & levia negligantur, corrumpt rigna
virtutum, quibus destruit, in animam tandem de-
flunt imbras largissimi vitorum. Quod sapiens
Eccl. 10. procul dubio respexit, dum dixit: *In*
pigris humilabitur contignatio, & in infirmitate
manuum perficitur dominus. Hinc Chrysostomus
Cassiani magister homil. 87. in Matth. hoc mi-
riabile paradoxum docet, nimis majori soli
citidine aliquo modo cavendum esse à veniali-
bus, quam à mortalibus. Solet mihi (inquit)
nonnunquam non tanto studio magna videri peccata
esse vitanda, quam parva & viliora: illa enim ut aver-
semur, ipsa peccati natura efficit; hac autem ipse re,
quia parva sunt, desides redditum, & dum contemnun-
tur, non potest ad expulsionem eorum animus generose
insurgere: unde cito ex parva magna sunt, negligen-
tia nostra.

A *Quod verò peccatum veniale nunquam pos- 44.*
sit ita augeri & aggravari, ut transeat in mortale,
non minus evidens est. Nam ea quæ sunt or-
dinis inferioris, quantumcumque intra pro-
priam speciem augeantur, nunquam possunt
pertingere ad ea quæ sunt ordinis superioris;
Sed malitia peccati venialis est inferioris or-
dinis, & diversa speciei à malitia mortalis; cùm
ista sit aversiva ab ultimo fine, & destructiva
illius: non verò illa, ut ex supra dicitur patet:
Ergo peccatum veniale nunquam potest transi-
re in mortale.

Ax quo probata manet tertia pars corollarii: **45.**
nam peccata venialia, quantumcumque multi-
plicantur, non possunt avertire ab ultimo fine,
nec reatum pœnae inducere: Ergo non possunt
facere unum mortale per integratatem; sicut
nec ex multis punctis simul junctis potest linea
confurgere. Unde quando Augustinus tract.
12. in Joan. ait: *Minuta plura peccata, si negli-
gantur, occidunt, solùm intendit, quod illa occi-
idunt dispositivè, disponendo scilicet ad mor-
tale; non verò formaliter, privando animam
gratia & charitate,* ut explicat S. Thomas hic
art. 4. ad 1.

Dices primò: Dispositio potest fieri habitus: **46.**
Ergo si peccatum veniale disponat ad mortale,
poterit fieri mortale.

C Respondeo cum D. Thoma ibidem in solut.
ad 4. *Quod dispositio que sit habitus, est sicut imperfe-
ctum in eadem specie; sicut imperfecta scientia, dum*
*perficiatur, sit habitus: sed veniale peccatum est dis-
positio alterius generis; sicut accidens ad formam sub-
stantiale, in quam nunquam mutatur.*

Dices secundò: Plura furtæ levia multipli-
cata, constituant tandem unum peccatum morta-
le: Ergo ex multis venialibus unum mortale po-
test effici.

D Respondeo negando. Antecedens: Nam
quando aliquis committit plura furtæ levia, ex
illis simul junctis & collectis unum peccatum
mortale non resultat; sed ultimum furtum, quo
pervenitur ad magnam materiæ quantitatem,
est peccatum mortale: quia licet tale furtum sit
rei secundum se levia, ex connotatione tamen
furtorum præcedentium, cum quibus moraliter
conjugantur, redditur furtum rei gravis, & gra-
vedamnum perficit proximo; ut explicant Ca-
stus & circa septimum Decalogi præceptum, &
in materia de restitutione.

ARTICULUS II.

E An ille qui mortaliter peccat, ultimum finem in
creatura constitutus?

N Egat Adrianus quodlib. 7. art. 3. affirmant
cæteri omnes Theologi tam domestici
quam extranei. Unde sit

§. I.

Conclusio affirmativa statuitur.

Dico breviter, peccarorem perpeccatum
mortale ultimum finem in creatura con-
stituere; si non expressè & formaliter, virtuali-
ter saltem & interpretativè.

Probatur primò ex Scriptura: nam ad Philip. 48.

Ooo 3. 3.de

3. de gulosis dicitur : *Quorum Deus reniter est*: quia, ut ibidem lect. 3. ait S. Thomas, *Proprium Dei est, ut sit primum principium & finis ultimus; unde qui pro fine habet aliquid, illud est Deus suus*. Quare olim quidam epulo ab amico interrogatus, cui tot oves & vitulos, quos in ejus armento videbat, immolarebat : respondit: *Hunc ventri Deorum maximo*. Item ad Ephes. 5. avaritia, *Idolorum servitus appellatur*: quia ut idem S. Doctor le. Et. 3. observat: *Idolatria est quando honor soli Deo debitus impenititur creature*: *Deo autem duplex honor debetur, scilicet ut in eo finem nostram constituamus, & ut in eo fiduciam nostram finaliter ponamus*: ergo qui hac in creaturis ponit, reus est idolatria. Hoc autem facit avarus, qui finem suam in re creatuam ponit, & etiam ratione suam fiduciam. Unde Chrysostomus homil. 18. in epist. ad Ephes. *Qui inanimato (inquit) serviant auro, clarum est eis modi idolorum esse cultores*. Hinc Hebrei vitulum aureum adoraverunt, & Judas tringinta argenteos, quos a principibus sacerdotum in pretium sanguinis Christi acciperat, projectis in templum, non in sterquilinium: quia (ut ait Ambrosius) *talibus diebus suum templum devoverat*. Denique Hieronymus exponens hunc versum Psalmi 80. *Non erit in te Deus recens, &c.* haec scribit: *Quot vitia habemus, tot recentes habemus Deos*. Cui consonat illud Poëta Christiani.

Lurconi venter Deus est, & nummus avaro:
Et cui sunt Veneris gaudia prima, Venus.
Huic honor, & vero Deus est pro nomine fama,
Quem fame extimulat non satianda fama.
Cui nimio Christus studii vilescit amore,
An non usque studium numinis instar habet?

Hinc Tertullianus in libro de Idol. cap. 3. infert quod extra templum & sine idolo agi potest idolatria: nec refert quale sit idolum, ex qua materia, qua effigie, &c. Et cap. 6. his verbis incipiat peccatorem: *Potes lingua negasse quod manu consternes? verbo destruere quod facta struis? Vnum Deum praedicare, qui tantos efficiet? Verum Deum proficeri, qui falsos facies? ... Colis non spiritu vultissimi nidoris alicuius, sed tuo proprio; nec anima pecudis impensis, sed anima tua. Illis ingenium immolas, illis sudorem tuum libas, illis prudentiam tuam accendis. Plus es illis quam sacerdos, cum per te habeant sacerdotem*.

49. Probatur secundò conclusio ex Augustino, qui lib. 83. questionum qu. 30. totam perversitatem humanæ vita collocat in hoc quod homo fruatur iustis, & utatur iustis: At ex eodem S. Doctor lib. 10. decivit. cap. 10. & lib. 1. de doctrina Christiana. cap. 4. & 5. fruonit est aliud quam alicui tanquam ultimo fini adhaerere: Ergo qui peccat, & aliquam creaturam inordinatè & contra Dei præceptum diligit, tali creaturæ, ut fini ultimo adhaeret.

50. Probatur tertio conclusio ratione, quam insinuat S. Thomas quæst. 20. de verit. art. 2. Omnis qui mortaliter peccat, diligit plus appetitivè creaturam quam Deum; siquidem ejus voluntatem & præceptum propter illam contemnit: Unde Joan. 12. dicitur: *Dilexerunt gloriam hominum plusquam Dei*: Et Matth. 10. *Qui amat patrem & matrem suam plusquam me, non est me dignus*: Item Chrysologus de avaritia loquens, ait: *Seater a eis iniquissima est, plus enim in ea ponderat obolus, quam Deus; plus nummus, quam anima*: Sed finis est id quod maxime diligitur; Er-

go qui mortaliter peccat, à Deo avertitur, & ad creaturam tanquam ad ultimum finem converteritur. Unde Jeremia 2. Deus de peccatoribus conqueritur, dicens: *Duo mala fecit populus meus, der eliquerunt me fontem aqua viva, & foderunt sibi cisternas dissipata, &c.* Quibus verbis avertis à Deo, & convertis ad creaturam, quæ in peccato mortali includuntur, fontis & aquæ similitudine aptissimè declarantur: nam sicut aqua appetitur, ut latiet & sitim extinguitur, sic bonum comunitabile creatura amat à peccatoribus, ut satiatum sui appetitus, quod est proprium ultimi finis: Deus autem omnium bonorum fons & origo, qui solus potest creaturæ rationalis appetitum perfectè satiare, & anima nostra sitim extinguerre, ab illis deterritur & contemnitur.

Confirmatur & magis illustratur hæc ratio: si quamvis mortaliter peccatis, directè & formaliter non intendat amittere amicitiam Dei, aut privari beatitudinem, vel averti à Deo ut ab ultimo fine, & converti ad creaturam, benetamen virtualiter & interpretativè; quia ita se gerit, ac si vellet ea omnia: in primis enim cum graves offensæ dissolvant amicitias, qui Deum graviter offendit, verè vult eum non habere amicum, & qui contemnit & rejicit media ad consecutionem ultimi finis necessaria (qualia sunt Dei præcepta, iuxta illud Matth. 19. *Si vis ad vitam ingredi, serva mandata*) virtualiter & interpretativè non vult ipsum adipisci: item qui vult aliquid oppositum Deo, ut dilectio amore amicitiae, plus appetitivè diligat illud quam Deum, subindeque virtualiter & interpretativè vult à Deo averti, & converti ad creaturam: Atqui peccatum mortale est gravis offensa Dei, habens proinde oppositionem cum ejus amicitia & dilectione, ejusque vitatio est medium necessarium ad consequendam beatitudinem: item qui mortaliter peccat, vult aliquid oppositum Deo ut dilectio amore amicitiae: Ergo virtualiter saltem & interpretativè vult ab ejus amicitia discedere, & ab ipso ut ab ultimo fine averti, & converti ad creaturam, & si non verbis, saltem factis, dicit illud Lucæ 19. *Nolumus hunc regnare super nos: id est nolo habere Deum pro ultimo fine, nec curio de ejus amicitia & fruitione*.

§. II.

Solvuntur objectiones:

Objicies primo: Qui peccant mortaliter ex zelo ordinario, aut ex ignorantia viciibili, non diligunt plus appetitivè creaturam, quam Deum, cum illi tunc arbitrentur obsequium se præstatere Deo, ut dicitur Joan. 16. unde Chrysologus serm. 157. ait de S. Paulo: *Per zelum legis impugnabat legem, & in Deum Dei amore peccabat*: Ergo fallitum est quod per quodcumque peccatum mortale homo avertatur à Deo ut ultimo fine, & convertatur ad creaturam.

Respondeo negando Antedēdens: nam peccatum ex imprudenti zelo non provenit ex Dei dilectione, sed ex ordinato amore sui; & rei quæ agitur, ex hoc enim provenit, quod ille qui peccat ex tali zelo, negligit disquerere veram voluntatem Dei, & ita virtualiter saltem in suo affectu præfert creaturam Deo. Idem di-

cendum de eo qui peccat ex ignorantia, vincibili: quamvis enim cognitā veritate fortè non peccaret, dum tamen quantum potest non curat ignorantiam depellere, non moveatur ex vero desiderio placendi Deo, sed ex amore alicujus creaturæ, ex cuius appetitu & occasione negligit inquirerē ea quæ tenetur scire; unde illam habet pro fine proximo, pro ultimo autem bonum proprium & privatum, ex quo tanquam ex prima radice amor inordinatus talis creatura pullular, ut patebit ex infra dicendis.

54. Objicis secundò: Si peccans mortaliter, ultimum finem in bono creato constitueret, maximè in eo quod est objectū peccati; illud enim est quod appetitivè diligitur plusquam Deus: Sed tale objectum non potest esse finis ultimus peccantis: Ergo &c. Minor probatur: Primi quia deratione ultimi finis est quod super omnia diligatur, subindeq; non referatur ad aliud: Atqui peccans mortaliter, non semper diligit super omnia creaturam illam propter quam peccat, sed eam refert ad aliam; ut patet in eo qui furatur ut fornicetur, nam rem alienam quam tollit, ut medium ad fornicandum appetit: Ergo &c. Secundò, si peccans mortaliter constitueret ultimum finem in objecto peccati, homo posset simul habere plures ultimos fines; cum possit plura peccata habentia diversa objecta disparate committere: Sed hoc implicat contradictionem, ut in tractatu de ultimo fine disp. r. art. 6. fusè ostendimus: Ergo & illud.

55. Quidam Recentiores ut ab hoc argumento se expadiant, concedunt quidem eum qui peccat mortaliter, habere creaturam quæ est objectum peccati pro ultimo fine; dicunt tamen hanc non esse finem ultimum positivè (quem ipsi vocant finem operantis) quia non refert omnia in creaturam tanquam in optimum, sed negativè, (quem finem operis appellant) quia creaturam non refert in alium finem. Cum enim (inquit) duo sint deratione finis ultimi, nempe quod ad alium non ordinatur, & quod cetera ordinantur ad ipsum, illa res quæ solum participar primum, rectè dici potest finis ultimus negativè; ea verò cui urrumque convenit, finis ultimus positivè appellari potest. Unde dicunt nullum esse inconveniens, quod voluntas habeat simul plures ultimos fines negativè; cum deratione hujus finis non sit quod totaliter satiet appetitum, & omnia referantur ad ipsum, sed solum quod non ordinatur ad ultimum finem.

Sed hæc solutio falso supponit quod peccans mortaliter constituit finem ultimum negativè in creatura propter quam peccat, seu quæ est objectum peccati, eò quod illam non referat ad ultimum finem: nam, ut infra ostendimus, semper peccator ordinat talem creaturam in ultiorum finem, nimirum ad bonum proprium & privatum, quod in singulis peccatis formaliter, aut virtualiter saltem intendit. Unde habet tale bonum pro fine ultimo positivè, ut constabit ex infra dicendis.

56. Confirmatur: Nihil omnino operatur homo cum advertentia & deliberatione, quod auctualiter, aut saltem virtualiter, non ordinat ad ultimum finem simpliciter, ut in tractatu de fine ultimo disp. r. art. 7. ostensum est: Sed ille qui mortaliter peccat, non ordinat suum actum in Deum ut finem ultimum simpliciter, ut patet; Ergo illum ordinat in aliquam creaturam ut in ultimum finem simpliciter, subindeque illam

A habet pro ultimo fine, non solum negativè, sed etiam positivè.

Respondent secundò alii cum Suarezis disp. 3. num. 11. peccatorem non constitutere ultimum finem in objecto cuiuslibet peccati mortalis, expresse & formaliter, sed virtualiter & interpretative: quia cùm propter illud Dëum verum finem ultimum deserat, eo ipso convincitur ultimum finem ibi constituere. Quamvis autem expresse & formaliter voluntas nequeat plures fines ultimos appetere, non repugnat tamen (ait ille) quod eos appetat interpretative.

B Sed contra primò: Non stat voluntio alicujus 57. interpretativa, cum opposita voluntione formalis, imò fundamentum ad aliquem actum interpretandum, est privatō actū oppositi: Sed ille qui futatur v.g. apprehendit multoties expresse & formaliter objectum furti tanquam bonum partiale & inadæquatum, & sub hac ratione illud appetit, ut patet in eo qui furatur ad fornicandum: Ergo nequit interpretative appetere tale objectum, ut bonum adæquatum & plenè satiativum, subindeque nec ut ultimum finem simpliciter.

C Deinde quod formaliter aut virtualiter ap- 58. petitur propter alium, non appetitur ut finis intimus, etiam interpretative, quoniam huiusmodi finis, si semel diligitur tanquam omnino ultimus, omnem relationem ad alium debet excludere: At sèpè peccator formaliter propter alium appetit objectum circa quod peccat, ut cùm appetit homicidium propter furtum, aut furtum propter mœchiam: Ergo tunc non appetit tale objectum ut finem ultimum, etiam interpretative. Unde

D Tertiò respondent alii, ultimum finem peccatoris non esse objectum particulare cuiuslibet peccati, sed bonum inordinatum ut sic, & prout ab hoc vel illo bono inordinato abstrahit, per quod evitatur quod peccator habeat simul plures fines ultimos simpliciter.

E Sed neque hæc solutio satisfacit: Nam de ratione ultimi finis est quod omnia ad ipsum referantur, seu propter ipsum appetantur, & ipse ad ultimum finem non ordinatur: Sed peccator interdum appetit plura quæ non refert ad bonum inordinatum, ut cùm tribuit elemosynam propter bonum misericordia, vel cùm appetit fruitionem Dei per actum spei informis; multoties etiam refert bonum inordinatum ad alium finem ulteriorem, secundum se non inordinatum, ut dum furatur ad dandam elemosynam, vel ad sustentandum patrem: Ergo bonum inordinatum ut sic non est ultimus finis peccatoris.

F Ad objectionem ergo, quam Cajetanus art. 61. gumentum Novitorium appellat, in forma respondeo, negando sequelam Majoris: nam creatura in qua mortaliter peccans finem ultimum constituit, non est illa quæ est objectum peccati mortalis (hæc enim est tantum finis proximus & intermedius) neque bonum inordinatum ut sic; sed bonum proprium & privatum, non præcisè secundum se consideratum, sed ut connotans privationem gratiæ & charitatis. Ita communiter docent nostri Thomistæ cum Cajetano supra quest. 1. art. 5. ubi hæc scribit: Peccator nec in gulo, nec in iustitia apparenti bono, seorsim constituit ultimum finem; cuius signum est, quia neutrum sibi sufficit; sed omnia commutabilia bona, ad quæ peccator convertitur, referuntur ad unum

commu-

communem finem, qui est simpliciter ultimus sibi, scilicet ipsem et; quoniam ipsa appetit ut conferentia ad bonum proprium, ita quod hujusmodi bona non appetuntur, ut fines ultimi simpliciter, sed ut fines ultimi partiales, ut scilicet partes boni proprii, quod est simpliciter finis ultimus illius, & intentum in omni peccato mortali. Quam doctrinam despulit ex S. Thoma in 2. dist. 42. quest. 2. art. 5. ubi ait: Finis ultimus in amore commutabilium bonorum est ipse homo, propter quem alia querit: & id est si radix peccati accipiat ex parte ipsius peccantis, erit una; si autem sumatur ex parte eorum quae propter seipsum peccans querit, erunt plures. Ubi S. Doctor alterando ultimum finem peccantis mortaliter esse ipsum peccatorem, aperit & indicat primam radicem unde perit unitas finis ultimi in peccatore; illa enim sumitur ex habitudine quam omnia particularia bona, quae potest peccator ut talis appetere, dicunt ad suppositum naturae appertenens, tanquam ad finem Cui perficiendum. Unde peccator non solum est finis Cui actus peccaminosi, sed etiam pertinet ad finem Cuius gratia, non quidem formaliter & in recto, sed connotative & in obliquo, quatenus scilicet est id penes quod mensuratur bonum proprium & privatum ipsius, quod ut diximus, est ejus finis ultimus simpliciter.

62. Ratio etiam huic solutioni & doctrinae suffragatur: Illud enim est finis ultimus peccatoris, propter quod, & sub eius ratione appetit omnia bona particularia quae prosequitur: Sed quidquid peccator appetit, etiam cum Deum videtur appetere, appetit sibi ipsi, & sub ratione boni proprii & privati, & in hoc vult suum appetitum expliri & satiare: Ergo bonum proprium & privatum est finis ultimus ipsius peccatoris; sicut bonum Dei est finis ultimus justi, quia totum quod justus vult per charitatem, etiam cum amat seipsum, vult Deo, & subtractione boni ipsius. Quod ut magis percipiatur.

63. Advertendum est, quod cum omnis amor sit quedam inclinatio fundata in aliqua natura, & in ipsa ira dicam radicata, ac veluti quoddam pondus naturae, juxta illud Augustini: *Amor meus pondus meum, amore feror quocumque feror,* semper tendit in bonum ipsi naturae coniunctum, & convenientem; alias non correspondet suo principio radicali, nec principium & terminus illius inclinationis inter se proportionem haberent. Unde cum charitas radiceretur in gratia sanctificante, quae est divina naturae participatio, & ut sic loquar, quedam natura deiifica, semper inclinat justum in bonum ipsius Dei, & omnes eius effectus bono divino subicit & subordinat; & properterea Paulus dicit, *Charitas non querit qua sua sunt.* Econtra vero philautia, seu inordinatus amor sui, qui charitati opponitur, cum dimanet a natura corrupta & vitiata, & in ea radiceretur, semper tendit & inclinat peccatorem in bonum proprium, & privatum, juxta illud ejusdem Apostoli, *Omnis quae sua sunt querit.* Quare Aristoteles 9. Ethic. cap. 8. pravos seu peccatores vocat philautos, seu amatores sui, & ibidem ait quod *Praevis sui gratia cuncta agit, & tanto magis, quam eo pravior.* Et Apostolus 2. ad Timoth. 3. ut significet quod tempore Antichristi homines omnigenere peccatorum erunt inquinati, ait: *Eruunt homines seipso amantes.* Item Augustinus 14. de civit. cap. 28. docet quod sicut amor Dei, nquaad contemptum sui, adificat civitatem Je-

A rusalem, seu Iustorum; sic amor sui, usque ad contemptum Dei, adificat civitatem Babylonis seu peccati. Denique S. Thomas hic quæst. 77. art. 4. docet amorem sui esse principium omnis peccati, & omnia vita ex illo tanquam ex prima radice pullulare. Quod etiam tradit quæst. 8 de malo art. 1. ad 10. dicens: *Amare est velle bonum alicui.* In hoc ergo quod homo appetit sibi quaque bona, videtur amare seipsum: & ideo amor sui ipsius non ponitur seorsum vel radix peccati, vel etiam vitium capitale, quia omnes radices & capita vitiorum includunt inordinatum sui amorem. Ex qua doctrina manifeste patet, ultimum finem peccantis mortaliter, esse bonum proprium & privatum, non præcise & secundum se consideratum, sed ut connotans privationem gratiae: nam ultimus finis peccantis mortaliter est irreveribilis in Deum, & ipsi oppositus; bonum autem proprium secundum se non importat ram oppositionem & irreveribilitatem, sed abstrahit à relatione vel exclusione relationis in finem supernaturalem: connotando tamen gratiam privationem, quae est in quolibet peccante mortaliter, efficitur omnino irreveribile in Deum, & ipsi oppositum.

Ex quo intelliges, quod et si omnes actus peccatoris sistant in bono proprio, non tamen per omnes in ipso constituit ultimum finem, sed per illos duntaxat qui in eo sunt privativi, excludendo gratiam & charitatem, per quam bonum proprium poterat quantum est ex se ad bonum supernaturale referri: nam cum de ratione finis ultimi simpliciter sit excludere relationem ad aliud, & non tantum ab ea praescindere, per illos duntaxata actus absolutè dicendum est constitui finem ultimum in aliquo bono, qui excludunt talem relationem; & hujusmodi sunt peccata mortalia: alii vero actus, sive honesti, sive venialiter peccaminosi, qui in bono proprio sstant duntaxat præcisivè, non dicuntur propriè constituere in illo finem ultimum; quia quodlibet sstant, recipiantque tale bonum ut absoluè ultimum, non convenit illos per se, sed ratione connotari, scilicet privationis gratiae, quae solum per actus mortaliter peccaminosus inducit. Per quod soluta manet instantia, quæ contra præcedentem doctrinam fieri solet.

Ex hoc etiam inferes, omnes actus existentes in peccato mortali, non esse malos & peccaminosus, sed aliquos esse honestos & moraliter bons, sicut colere parentes, subvenire egenis, diligere amicos, &c. Nam licet omnes illi actus in peccatore sstant in bono proprio, & nullus ad supernaturale ordinem transeat, non tamen sstant in tali bono privativè, excludendo gratiam & charitatem, per quam fieri debet relatio ad finem supernaturalem, sed præcisivè tantum, non excludendo talem relationem, sed ab ea præscindendo; & quamvis terminentur ad bonum alias irreveribile, non tamen formaliter irreveribile, ex quo proinde nullam deformitatem contrahant.

Nec refert si objicias: Omnis actus per quem diligitur aliquid plusquam Deus, est peccaminosus: Sed si peccator refert omnes iuscos actus in bonum proprium tanquam in finem ultimam, per omnes diligenter hujusmodi bonum plusquam Deum: Ergo omnes essent peccaminosus & moraliter mali. Respondet enim, quod omnis solum ille actus est peccaminosus, per quem proprium

propterum bonum diligitur contrariè plusquam Deus; cujusmodi sunt illi qui ex propria ratione habent excludere à subjecto gratiam & charitatem, ac sicut in bono proprio privativè: alii vero, qui quantum est ex legitimatione non excludunt, quamvis terminentur ad aliquid dilectionem plusquam Deum negativè, eò quod in illo sicut, non verò in Deo, non sunt tamen peccaminosi, quia non excludunt quantum est de se majorē Dei dilectionem, sed ab ea praescindunt, nec sunt in bono proprio privativè, sed tantum præcisivè, ut dictum est.

§. III.

Solvantur quædā instantiae.

Contra principalem solutionem, quæ diximus bonum propriū & privatū, ut connotans privationem gratiæ & charitatis, esse finem ultimum peccantis mortaliter, quedam possunt fieri instantiae, quas breviter hic proponamus ac diluemus.

67. In primis objici potest, quod peccator, qui diligit amicum amore amicitiæ, ipsum non diligit sub ratione boni proprii; alias eum non diligenter amore amicitiæ, sed concupiscentiæ: Ergo non refert omnia quæ agit in bonum propriū tanquam in ultimum finem.

Secundò: Finis ultimus peccatoris debet opponi fini supernaturali qui est Deus, & excludere relationem ad illum: Atque bonum propriū in tota sua latitudine id non habet, sed tantum bonum inordinatum ut sic: Ergo non illud, sed istud est finis ultimus peccatoris.

Tertiò: Ultimus finis peccatoris debet aliquid superaddere ultimo fini in communi, per quod peccator à justis discernatur: Sed bonum propriū nihil videtur addere supra rationem ultimi finis in communi, per quod peccator discernatur à justo: Ergo, &c. Major patet. Minor probatur. Bonum propriū in tota sua latitudine non habet majorem determinationem, quam bonum satiativum propriū appetitus: Sed bonum satiativum propriū appetitus est ipse finis ultimus in communi, in quo convenienti justi & peccatores: Ergo bonum propriū nihil superaddit ultimo fini in communi, per quod peccator à justis discernatur.

Denique arguitur: Alter debet assignari finis ultimus existentis in mortali peccato, ac existens in puris naturalibus absque peccato & gratia: Sed finis ultimus existens in puris naturalibus esset bonum propriū & privatū: Ergo illud non potest esse finis ultimus peccatoris.

68. Sed hæc levia sunt, & ex fundamento supra statutis facile dilui possunt. Unde ad primam instantiam, nego Antecedens: amicitia enim, nisi si charitatis, quæ ex amore Dei fortunam habet, semper oritur ex amore sui ipsius, & omne bonum quod appetitur amico, ordinatur ultimè ad bonum propriū appetitum; propterea enim amicus vult amico bonum, quia est aliquid sui, seu portiū quia est alter ipse; juxta illud communē effatum, Amicus alter ego. Unde Aristoteles 9. Ethic. cap. 4. ait: Amicitia ad alios ex his quæ sunt ad seipsum profecta esse videntur. Et cap. 5. Amantes amicum (inquit) id amant quod sibi ipsi est bonum: vir enim bonus factus amicus, bonum sit ei cuius jam est amicus; uterque igitur & id quod sibi

A bonum est amat. Quæ verba ita exponit S. Thomas ibidem lect. 5. Respondet cuidam obiectioni tacite, dictum est enim supra, quod unicuique est amabile quod est ei bonum: contra quod videatur esse quod homo amat amicum ipsius gratiæ. Sed ipse respondet, quod illi qui amant amicum, amant id quod est bonum sibi ipsi: nam quando ille, quæ bonus in se, est factus amicus alius, sit etiam bonum amico suo. & sic uterque dum amat amicum, amat quod sibi bonum est, &c.

Ad secundam, concessa Majori, nego Minorē: nam licet bonum propriū absolutè & secundūm se non excludat relationem ad Deum, ne ipsi opponatur, benè tamen prout connotat privationem gratiæ & charitatis, quæ est in B quolibet peccante mortaliter, ut ex supra dictis patet.

Ad tertiam, concessa Majori, nego similiter Minorem. Ad cujus probationem, nego Majorem: aliquid enim superaddit bonum propriū, quod non importatur in ratione boni satiatiū ut sic, nempe quod satiet ut perfectio naturæ aut suppositi appetitum, & tanquam bonum ordinatum ad ipsum appetens sicut ad finem Cui, ita quod propriū suppositum sit quasi regula & mensura talis boni, ut supra exposuimus. Hoc autem sufficit ad hoc ut bonum propriū constituat in peccatore finem ultimum particularem, distinctum à fine ultimo justi: nam quamvis finis ultimus justi comparetur ad ejus voluntatem ut satiatiū, non tamen per modum perfectivi ipsius appetitum, & tanquam bonum ordinatum ad ipsum ut ad finem Cui, eique commensuratum, sed ut propria perfectio alterius naturæ, scilicet divinae, quam proinde perfectionem appetit & ordinat ad suppositum in quo est talis natura, tanquam ad finem Cui: quia in justo præter propriam naturam reperitur gratia, quæ est participatio divinae naturæ, & charitas, quæ est talis naturæ appetitus seu inclinatio, quæ inclinat hominem ad bonum propriū illius suppositi in quo est talis natura, scilicet Dei, ut supra declaravimus.

Ad ultimam dicendum est, ultimum finem hominis in puris naturalibus esse propriū bonum præcisè secundūm se, non connotando privationem gratiæ, sed simplicem ejus carentiam & negationem, atque adeo neque includendo, nec positivè aut privativè excludendo relationem ad finem supernaturalem, sed omnino præscindendo ab ea: in quo satis distinguuntur à fine ultimo peccatoris, qui (ut supra ostendimus) prædictam relationem positivè excludit, cum in obliquo & de connotato gratiæ privationem imporet.

E

ARTICULUS III.

Vtrum peccatum veniale in homine justo habetur actualiter referatur in Deum?

Certum est, peccatum veniale, ut tale est, in 69. homine justo, nec actualiter, nec virtualiter posse referri in Deum; cum Deus in genere causæ finalis non moveat, nec moveare possit ad committendum quodcumque peccatum: unde solū difficultas est, an possit referri in Deum habitualiter, & defacto in illum referatur in homine justo;

Tom. III.

PPP

Partem